

Saedceij Ndaeji Vuenyungz

□ Lanz Gozvuj/蓝国武

Gonq raeuz caengz gaijgwz,
Ngoenzngoenz miz doxdaeuq,
Ciengx seiq duz bit naeuh,
Cough naeuz baufazhu.

Gaijgwz hailangh daeuj,
Dangj raeuz siu gaihgiz,
Swlei(seiqloih) caiq ndi miz,
Aeu fazliz(faplwd) daeuj gyaeng.

Caiq ndi miz swlei(seiqloih),
Vunz deihvih doxdoengz,
Bouxbox sim youq soeng,
Caiq ndi deng dik dub.

Miz goengfou couh hai,
Caiq ndi baen haenzhen,
Biengz miz hong cien fanh,
Mwngz uk fan couh buek.

Mwngz banh ndaej gunghswh,

Anbaiz vunz guhhong,
Ndwen ciuq fat cienzgoeng,
Youh coengh mwngz canhbauj.

Daengz le nienzgeij laux,
Youh dauq miz cienz lingx,
Geq daengz miz ngaenz yungh,
Fungcuk gvaq ciuhvunz.

Mwngz naengz banh gunhcangj,
Bang anbaiz vunzlw,
Ndi baen goeng dem swh,
Gwn daenj youq doengz ndei.

Mwngz naengz bau haigvanyq,
Gihgai cang ndaw rog(lueg),
Hwnz ngoenz feibauq dok,
Gvangq ok caeq gvaq bya.

Mwngz naengz daiq vunzhong,
Baengh song da bae yeix,

Baengh song fwngz bae ceij,
Ndi seih boux gwn boux.

Doxyaeng bae guhhong,
Cienz daengz ndwen ciuq fat,
Mbouj bik youh mbouj ap,
Habfap bouxboux riengz(gyaez).

Hai mwngz caih ciengx mou,
Muengh hawj sou fatcaiz,
Hai mwngz ciengx cwz vaiz,
Gai ndaej mwngz couh fouq.

Hai mwngz bae haifat,
Bae hai dat daj sa,
Hai mwngz bae ciengx bya,
Gvaengh dah ma guh daemz.

Hai loh mwngz bae bau,
Gauhdez ndaej bae lingx,
Ciuq dozceij bae gvingx,

Cingq ndaej cienz baenz fanh.

Miz daegngongz ndi rox,
Guh byoq ciuz ndi ndei,
Youq gwnz vangjloz cei,
Neix song giz faenvaq.

De guhhong fatcaiz,
Raeuz wnggai goenghoh,
Neix ndwi dwg bozsoz,
Faplwd hoh boux gaenx.

Ciuhneix boux miz ngaenz,
Caenh dwg uk de lig,
Cwngcwz de ndi vit,
Faplwd cix baujhoh.

Gungz liux geij cien bei(bi),
Ciuhneix ndaej gaijgwz,
Gauj fazcanj ginghei,
Saedceij ndaej vuenyungz.

Fwen Dingjrengx

□ Vangz Civeij/黄志伟

Mbwn mbouj miz lwgda,
Hawj naz raihraih dek,
Dou dwg duz roegfek,
Lek dai laj gyangngoenz.

Gyangngoenz ndat lumj feiz,
Mbawreiz remj baenz daeuh,
Muengh fwn fwn mbouj daeuj,
Gwn haeux gaz saihoz.

Roek ndwen mbouj doek fwn,
Gwn haeux cungj ngeix raemx,
Gou doiq mbwn mwngz haemq(cam),
Haemhlawz fwn cij daengz?

Heuh mbwn mbwn mbouj han,
Cam deih deih mbouj gangj,

Raeuz mbouj ndaej dai ndangi,
Rangj max bae ra raemx.

Dangjyenz daiqdaez bae,
Gyae'gyae cungj aeu byaij,
Ngoenz bae hwnz cix vajj(daengz),
Naiqnaiq caiq miz rengz.

Gvaq cib lueg gouj bo,
Ho bae caiq ho dauq,
Miz daeuzmbanj lingjdauj,
Haujlai vunz okrengz.

Suhgi haeuj daengx mbanj,
Ganj naeuz gyoengq vunzlai,
Mbouj hawj gohaeux dai,
Vaiqvaiq bae dingjrengx.

Mbwnrengx aeu gaggouq,
Caeuq vunzlai okrengz,
Caek raemx lumj youz bengz,
Hamj geng rag mbouj ngaih.

Suhgi daengz ndaw naz,
Raemxda laevang' vang,
Suhgi doiq raeuz gangj,
Ganghan(dingjrengx) aeu hoenx hingz.

Roengz congh caeuraemx daeuj,
Gohaeux ndaej dauqseng,
Bouxdaez guh ndaej deng,
Ganghan(dingjrengx) rengz caen daih.

Vunzmbwk biz vueng dwk song
mbiengj henz rwz cungj dwg hanh,
"Mwngz..... Mwngz hawj geijlai?"

"Haj cien." Daxmeh Vangz
Meijyen ngiengx gyaeuj yawj gwn
dingj ranz mbouj muenx dwk naeuz.

"Noix lai lo, dahnuengx ha."
Vunzmbwk biz naeuz, "ceiqnoix
hawj fanh maenz ha."

"Mbouj aeu, deuz! Raeuz bae
gizwnq cawx." Daxmeh Vangz
Meijyen fwngzswix gaem fwngz Liuz
Fanghfangh, fwngzgvaz rag fwngz
Vangz Meijyen yamq hung coh rog
dou bae.

Lauxdoengz

□ Moz Lijginz / 磨礼勤

"Aeu lo aeu lo." Vunzmbwk biz
lumj daej nei gouz naeuz.

Song dah lwgnyez daengx
roengzdaej, deng daxmeh Vangz
Meijyen haenqrengz rag deuz,
Vunzmbwk biz niujned niujned
ndang moumeh laeh daeuj, song dah
lwgnyez nyeux gyaeuj raen gjj
yienghsieq holilenz youh dwgriu,
"haj cien couh haj cien, gai hawj sou
lo."

Song dah lwgnyez daengx
roengzdaej beng fwngz daxmeh
Vangz Meijyen, mbouj yungh beng
fwngz daxmeh Vangz Meijyen de hix
daengx roengzdaej le, gjj yienghceij

lumj mbouj nyienh' eiq saek di, haj
cien maenz lai lo, haxbaenh hab
gangj sam cien ndei lo, de miz di
ienqhoij.

Vunzmbwk biz dwg gikdoengh
roxnaeuz doeknaiq ngaemjngaemj
caemjcaemj geqhoj: "Beixnuengx
goembonj mbouj gangj lo, dingz
ndeu dwg soengq hawj sou lo, miz
dingzlai saw cikap nanz le....."

Liuq Fanghfangh naeuz: "Bae ra
daeh daeuj cang ha."

Vunzmbwk biz roengz lajlaeuz
ra daeh.

Ngoenzsinghiz, gyoengqvunz
daeuj yawj saw, cawx saw gig lai,

Liuq Fanghfangh caeuq Vangz
Meijyen youq henz dongsaw henhoh,
mbouj hawj vunz daeuj doengh saw.

Boux Vunzcungnierz sang ndeu
byaij gvaqdaej, miz di geizheih,
song dah lwgnyez cawx hauhneix lai
saw. "Siujbaengzyoux, daeuj bang
hagdangz cawx saw?" De
riunyummynum cam.

Vangz Meijyen naeuz: "Dou hix
mbouj dwg lauxsae, vihmaz bang
hagdangz cawx saw?"

Vunzcungnierz roxnyinh dah
lwgnyez neix miz di mbouj doengz
vunzlai, youh cam: "Sou cawx
hauhneix lai saw, yawj daengz
seizlawz caengh liux ni."

Liuq Fanghfangh naeuz: "Yawj
saw dwg ciuh ndeu. Lumj gwn
haeux, mwngz gwn haeux dwg gwn
ciuh ndeu mbouj?"

